

ادبیات کمونیستی شوروی

هفته‌لق سیاسی ، ادبی و علمی غزته‌در .

جلد : ۱

سنه : ۱ ۲۲ جادی الآخر ۱۳۳۵ جمعه ایرتسی ۱۴ نیسان ۱۹۱۷ نومرو ۲۴

بر یالانک تاریخی

کمال حرمتله شکری بلك افندی به


تصادفك تحف بر تجلیسیله ، تورکیه‌نك تاریخ تشکله و انحطاطنده آمریقا بویوک بر رول اوینامش ، وبرکره موفقیت ، برکره‌ده فلاکت کتیرمک شرطیله ، بر جدید ایکی دفعه مقدراتمزه تأثیر ایتمشدر : اسکی دنیانک اسکیدن بروحدتی واردی ، و بو وحدت‌ده ، خرس‌تیانلنی تهدیدایدن هر ته‌لکه‌یه قارشی ، پاپانک بردنبره مادیلشن حاکمیت معنویه‌سی آلتنده تجلی ایدردی . اوزمان آوروپانک بو خرس‌تیان هیئته کیم هجوم ایتمشه ، بو وحدتک قارشیسنده درحال انحلال ایتمشدی . فقط اون بشنجی عصر کلنجه ، وجدانک ره‌فورم اسمنده کی مختاریتنی‌ده برابر کتیردیکسندن ، بیزانسی استانبوله تحویل ایدن تورکه قارشی اسکی وحدتی احیا ایتک‌ایستین پاپالرك هر وعظی و بوتون نصیحتی بیهوده‌قالدی ؛ زیرا کلیسا انقسام‌ایتمش ، نفوذی اکیلمش ، و ... برمدت صوکره‌ده ، آمریقا کشف ایدلمشدی : اکر مقصد یرسه ، یکی دنیا بوم‌بوشدی . جنویزلر ، اسپانیوللر و پورتیکیزلر ، بو سبيله ماورای اوقیانوسه آقین ایتدیلر . میراثه قونارکی ، کیتدکجه هان هرملت یکی قطعه‌یی استملاکه قوشدی ؛ اکر آوروپانک بو ترقی واستعمار احتیاجنک ابدالرنده میدان بر آمریقا چیقماسه ایدی ، عثمانلی تاریخی بوس بوتون باشقه بر شکل آلاجقدی ! بوتون غربک شرقه ، واولا شرقک اوک قسمنه آتیلداسیله ، آسیاده بر آمریقا تاریخنک جریان محققدی ! ... ایشه ، آمریقانک عثمانلی تاریخنه بر خدمت شکلنده اولان برنجی تأثیری بودر .

ایکنجی تأثیری‌ده ، ایکی یوز برقاچ سنه صوکره ، اون سکزنجی عصر ایچنده تظاهر ایدردی . اوزمان روسیه تأسس ایتمش ، واونک برأ اولان مساعیسنه ، آمریقادن آرتق دونلرده بحرأ اشتراک ایتمشدی ؛ چونکه یکی دنیانک‌ده ملتربله حکومتلری شکل ایدرک آوروپالیرلی قوغدقدن صوکره ، آرتق آرقالرندن قاپولرینی قاپامشلردی . بو سبيله انکلتزه ، هولاندا ، فرانسه و اسپانیا کی دول بحریه ، آسیاده استعمار ایدرک جزائر و شبه جزائر تحریرسنه چیقیدیلر . بزده یوللرینک اوستنده دوریوردق : بوندن دولانی ، آمریقا باشنده کیلری اوستمزه آتمش اولدی .

سویلیور که بو فکری اعتراضدن وارسته در . بناءً علیه بزده خصوصیت ملیه من ایلله قابل تألیف اوله جق بر صورتده تیاترونک نظریات و تطبیقاتیله اوغراشمق ایجاب ایدر . جلال بک نقصان تغدینک محیط عثمانیده ایراث ایتدیکی ضررلری ، حفظالصحة عامه مسائلنی غایت مؤثر بر لسان ایلله بسط ایدرک اثرینه ختام ویریور .

فکرمنه کوره بو اثر منوران آره سنده بک چوق مناقشات و محاضرات احداث ایده جک ماهیتده در . روحیات ، اجتماعیات ، اقتصادیات متخصصلری ایچون جلال بک اورتیه قویدینی معادلات و مسائل ، شایسته اشتغال بر ساحه فسیحه تبیع آچییور . حربدن صوکره ملتزمک حرکاتی نه صورتله تنظیم ایده جکنی تعین و اوکا رهبرک ایتک وظیفه سی علما و حکما منزه توجه ایدیور . ایشه « حربدن صوکره » مؤلف محترمی ده انجق بو افاضل و منورانه بر وسیله مناظره احضار ایتک غایه وطنپروریله اجاهه قام ایتشدن ظن ایدرز . دعوی وکیلی کریدی .

احمد ساقی



۵ - ۱۱ نیسان ۱۹۱۷

مختلف حرب جبهه لرته ایلک بهار فعالیتلری باشلادی . ایلک بهارده بکله ن معظم تعرضلر و مدافعه لر باشلادی دینه منزه بیه بونلرک مقدماتی باشلادینی شبهه سزد .

اکزیاده فعالیت فرانسز جبهه سنیده کورولور . بوراده ساحلدن (ووژ) طاغرینه وارنجهیه قدریر بر شدتلی بر فعالیت حکمفرما اولیور . غرب جبهه سنیده کی بوفعالیت یالکز بر طرفدن دکلدر . ایکی طرفده متادیا صرف قوت ایدیور . ایکی کوندر آلمان تبلیع رسمیسنده او قوندیخنه کوره ، (له نس) و (آراس) آراسنده کی جبهه ده بر میدان محاربه سی جریان ایتکده در . انگلیزلرله فرانسز لر بوراده طوبلادقلری بویوجک طوپیچی و پیاده قوتلریله تعرض ایدیور لر . بو آنه قدر ویریلن معلوماته کوره حرب دوام ایتکده در ؛ انگلیزلرله فرانسز لر یالکز آراسدن کیده ن یولار طرفیندن برقاچ آلمان موضعنه داخل اولاییملر در . فقط « جبهه یی ده ملک » حرکتی عقیم قالمشدر . مع هذا ایکی آلمان فرقه سی ، فوق العاده فائق خصم قوتلرینه رغماً معندانه مدافعه موضع ایلله دکلرندن مهم ضایعاته دوچار اولمشدر .

هنوز صوکی کله یین بو محاربه دن انگلیزلرله فرانسز لرک مقصدلری نه اولورسه اولسون ، آلمانلری

غافل یا قالا یا مادقلری وجہیہی آرتق دہلہ مہیہ جکری ، شیمدی یہ قدر کورولن تجربہ لہرہ مستنداً ، کمال قطعیتہ ادعا اولونابیلیر . بومیدان حربی آلمانلرہ مساعد اولماسہ بیلہ ، نتیجہ دہ برسپر حربہ انقلاب ایدہ بیلیر کہ بودہ انگلیزلرہ فرانسزلرک وضعیتلرینی آرزولری دائرہ سندہ اصلاح و ہیندہ نبورغک حرکت رجعیہ ایلہ تعقیب ایتدیکی بلانہ برتأثیر اجرا ایدہ ضر . معافیہ (آراس) حربی ، معظم ایلک بہار محارباتنک مبدأی صایلسہ پک دہ خطا ایدلمش اولماز .

باشقہ جبہ لردہ مہم برشی یوق . یالکز روس جبہ سندہ (استوبخود) نہری اوزرنده (طوپول) سرکوپری موقی آلمان و آوستریالیر طرفندن ضبط ، ۹۵۰۰ اسیر ایلہ ۱۵۰ میترالیوز اخذ ایدلمشدر . بو آتی ایچون پک مہم بر حرکتدر .

§ عثمانلی جبہ لرنده الک زیادہ عراق جبہ سندہ حرکات اولدی . بو ہفتہ دیالہ جبہ سندہ انگلیزلرہ روسلرک رجعتلرینی ، تعرضلرینی و سواریلرینک نہرہ دوکولدیکنی اوقودق . آکلاشیلان ، اورادہ یکی حرکات انکشاف ایتکدہدر . روسلر رواندوز ایلریندہ طرد ایدلمشدر .

غزہ جوارندہ قازانیلرینی کچن ہفتہ یازدیغمز مظفريتک اہمیتی آرتیور . عثمانلی عساکری ، تورک و سوریہ لی ، فوق العادہ بہادر جہ محاربہ ایتلمشدر . میدان حربہ ۳۰۰۰ دن فضلہ انگلیز مقتولی صایلمشدر . آوستریا طوپچیسی ایلہ آلمان طیارہ جیلری مظفريتک حصولی ایچون جدأ قہرمانجہ وفداکارانہ حرب ایتلمشدر . انگلیزلر بورادہ پارتیہی غائب ایتلمشدر .

§ ہفتہ لقی تاریخ حربہ فلہ مارشال ہیندہ نبورغک بر اسپانیول غزہ سی مخابریہ واقع اولان بیاناتہ مہم بر موقع ویرمہ لی یز . سوز سویلہ مکدہدہ پک مدبر اولان اختیار داهی حرب ، تحت البحر سلاحنک فوق العادہ تأثیرینی ذکر ایتمش ، آمریقانک حربہ کیرمہ سنک ائتلافہ آز بر معاونتی دو قونابیلہ جکنی سویلہ مش و بالخاصہ روس و فرانسز جبہ لرینک ہر طرفہ قارشی فوق العادہ تحکیم ایدلیدیکنی ، دشمنلرک بورادہ برشی یاپامایہ جقلرینی ، آلمانیانک ہر یردہ سوق ایدہ بیلہ جک قوتلی و معلم احتیاط قول اوردولری حاضر لادیغنی و بوتون بونلرک بویوک بر پلانک تفرعاتی اولدیغنی علاوہ ایلہ مش و نہایتدہ : « ہر دورلو احتمالاتی ، بزی مظفريتہ و صلحہ ایصال ایدہ جکنہ امین اولدیغمز بر قناعت و ایمان ایلہ ، وقوف بشرک مساعد اولدیغنی مرتبہ دہ ، عریض و عمیق تدقیق و حساب ایتدک . » دیمشدر . بو متین سوزلری آنجق وقوعات شرح و توضیح ایدہ جکدر .

§ بو ہفتہ آمریقانک دہ حربہ داخل اولدیغنی سویلہ مہ لی یز . آمریقالیر حربی قبول ایتدیلرہ بری و بحری حاضر لغہ باشلادیلر . آوستریادہ آمریقا ایلہ قطع مناسبات ایتدی . بر روایتہ کورہ آمریقادن مکسیقایہ کچمش اولان یوز بیک قدر معلم آلمان احتیاط افرادی شمیدن حدودی تجاوز ایتملر و (ریو غرانده سیٹی) شہری ارزرنہ یورومکہ باشلامشدر . صوک خبرلہ کورہ جنوبی آمریقا حکومتلری دہ آلمانیاہ قارشی قیشقیرتیلیمورلر . اونلردہ قالقوب ، شمالی آمریقانک یاپدیغنی کبی لیمالرندہ کی آلمان واپورلرینی ضبط ، ہملکترلندہ کی آلمان سرمایہ سنی اضرار ایدہ جکلردر . فقط حربک نتیجہ سی ینہ آوروپادہ قازانیلاجغنی یانغیندہ (چاپولجی) وصفنی طاقینانلرہ آنجق زبونکشاک شرم و ہاری دوشہ جکنی سویلہ مکہ حاجت واری ؟